

Ислом КАРИМОВ:

Жамият ҳаётининг мезони бўлган конституцияни чуқур ва ҳар томонлама ўрганишимиз, унинг маъносига етиб бориб, ҳаётимизнинг доимий қўлланмасига айлантиришимиз даркор.

Адолат ҳар ишда ҳамроҳимиз ва дастуримиз бўлсин!



ИНСОН ва ҚОНУН

ЎЗБЕКИСТОН РЕСПУБЛИКАСИ АДЛИЯ ВАЗИРЛИГИНИНГ ҲУҚУҚИЙ ГАЗЕТАСИ

● 2008 йил 2 декабрь ● сешанба ● № 54 (613) ● e-mail: inson_va_qonun@mail.ru ● www.minjust.uz

Конституциявий ҳуқуқий кафолатлар

АДЛИЯ ВАЗИРЛИГИДА "Инсон ҳуқуқлари ва эркинликларини таъминлашнинг конституциявий-ҳуқуқий кафолатлари" мавзусида конференция бўлиб ўтди.

Унда Олий Мажлиснинг Қонунчилик палатаси депутатлари, Ўзбекистон Республикаси Конституциявий суди, Олий суди, Олий ҳужалик суди, Бош прокуратураси, Ички ишлар вазирлиги, Республика Ҳарбий суди, Инсон ҳуқуқлари бўйича Ўзбекистон Республикаси миллий маркази ва бошқа давлат органлари ҳамда жамоат ташкилотларининг вакиллари, ОАВ ходимлари иштирок этишди.

Конференцияни Адлия вазири биринчи ўринбосари А.Аҳмедов бошқарди.

КОНФЕРЕНЦИЯДА сўзга чиққанлар миллий қонунчилигимизда инсон ҳуқуқларига оид халқаро андазалар ифодаси, инсон ҳуқуқларини ҳимоя қилишда ўзини ўзи бошқариш органларининг роли, шахс, жамият ва давлатнинг қонуний манфаатларини таъминлашда прокуратура органлари фаолиятини такомиллаштириш каби мавзуларда фикр-мулоҳазалар билдиришди.

Таъкидландики, бугунги кунда Адлия вазирлиги ва унинг тизимига кирувчи муассасалар томонидан инсон ҳуқуқлари ҳимояси юзасидан сезиларли ишлар амалга оширил-

моқда. Шу билан бирга жорий йилнинг 9 ойи давомида инсон ҳуқуқларига оид 7856 та ҳуқуқий тарғибот тадбирлари ўтказилди, шундан 6 мингдан ортиги учрашувлар тарзида ташкил этилди.

Шунингдек, тадбирда Адлия вазирлиги томонидан ўтказилган адлия идоралари ва муассасалари ходимлари ўртасида "Ўзбекистон Республикаси Конституцияси бўйича энг яхши реферат" кўрик-танлови ғолибларига диплом ва кимматбаҳо совғалар топширилди.

Дилором МАТКАРИМОВА, «Инсон ва қонун» мухбири



Конституция – менинг ҳаётимда



13-МОДДА.

Ўзбекистон Республикасида демократия умуминсоний принципларга асосланади, уларга кўра инсон, унинг ҳаёти, эркинлиги, шаъни, қадр-қиммати ва бошқа дахлсиз ҳуқуқлари олий қадрият ҳисобланади.


Демократик ҳуқуқ ва эркинликлар Конституция ва қонунлар билан ҳимоя қилинади.



42-МОДДА.

Ҳар кимга илмий ва техникавий ижод эркинлиги, маданият ютуқларидан фойдаланиш ҳуқуқи кафолатланади.

Давлат жамиятнинг маданий, илмий ва техникавий ривожланишига ғамхўрлик қилади.



55-МОДДА.


Ер, ер ости бойликлари, сув, ўсимлик ва ҳайвонот дунёси ҳамда бошқа табиий захиралар умуммиллий бойликдир, улардан оқилона фойдаланиш зарур ва улар давлат муҳофазасидадир.



65-МОДДА.

Фарзандлар ота-оналарнинг насл-насабидан ва фуқаролик ҳолатидан қатъи назар, қонуни олдига тенгдирлар.

Оналик ва болалик давлат томонидан муҳофаза қилинади.



66-МОДДА.

Вояга етган, меҳнатга лаёқатли фарзандлар ўз ота-оналари ҳақида ғамхўрлик қилишга мажбурдирлар.

● Анжуман

Ўзбекистон тажрибаси: халқаро жамоатчилик эътирофи

ПОЙТАХТИМИЗДАГИ "Интерконтинентал" меҳмонхонасида "Жамиятни демократлаштириш ва инсон ҳуқуқларини таъминлашнинг долзарб ҳуқуқий масалалари – Ўзбекистон тажрибаси" мавзусида халқаро илмий-амалий конференция бўлиб ўтди.



МАЗКҲУР ТАДБИР Адлия вазирлиги ҳузуридаги Норматив-ҳуқуқий ҳужжатларнинг амалга оширилиши устидан мониторинг қилиш маркази, Инсон ҳуқуқлари бўйича Ўзбекистон Республикаси миллий маркази ва Фуқаролик жамиятини ўрганиш институти ҳамкорлигида БМТнинг Тараққиёт дастури ҳамда Ўзбекистондаги ЕХҲТ Лойиҳалари Координатори кўмагида ўтказилди.

Анжуман замонавий халқаро ҳуқуқ тамойилларининг асоси ҳамда жаҳоннинг кўплаб мамлакатлари конституциялари учун муҳим манба бўлган Инсон ҳуқуқлари умумжаҳон декларацияси қабул қилинганлигининг 60 йиллигига бағишланди. Конференцияда Ўзбекистоннинг етакчи ҳуқуқшунос-олимлари ва

амалиётчилари билан бир қаторда Буюк Британия, Германия, Хитой,



Япония, Россия ва Қозғистондан ташриф буюрган ҳуқуқшунос-мутахассислар, мамлакатимизда аккредитация қилинган дипломатик корпус ва халқаро ташкилотлар вакиллари иштирок этишди. Унда кўплаб хорижий давлатлар

етақчи мутахассисларининг иштирок этганлиги Ўзбекистоннинг жамиятни демократлаштириш ва инсон ҳуқуқларини таъминлаш борасидаги тажрибасига жаҳон ҳамжамияти эътиборининг тобора ортаётганлигини далил қилиб беради.

Тадбир жараёнида халқаро ҳуқуқ нормаларини миллий қонунчиликка имплементация қилиш масалалари, илмий тадқиқотлар натижаларини қонун ижодкорлиги ва ҳуқуқий қўллаш амалиётига татбиқ этишнинг долзарб жиҳатлари, қонунчилик мониторингини самарадорлиги ҳамда хорижий давлатларнинг мазкур соҳалардаги тажрибалари ҳақида фикр-мулоҳаза алмашилди.

Халқаро илмий-амалий конференцияда бундай тадбирлар ҳамжихатликни янада мустаҳкамлашга, жаҳон тамаддунининг энг илгор ғоялари билан йўғрилган жамиятни демократлаштириш ва



инсон ҳуқуқларини таъминлаш миллий моделининг ўзига хос хусусиятлари, моҳияти ҳамда аҳамиятини очиб беришга кўмаклашиши эътироф этилди.

Адлия вазирлиги Ахборот хизмати

● Тадбир

ПРЕЗИДЕНТИМИЗНИНГ 2001 йил январь ойидаги "Ўзбекистон Республикаси Конституциясини ўрганишни ташкил этиш тўғрисида"ги ва 2008 йил 27 октябрдаги "Ўзбекистон Республикаси Конституцияси қабул қилинган кунни нишонлашга тайёргарлик кўриш ва уни ўтказиш чора-тадбирлари тўғрисида"ги фармойишларининг ижросини таъминлаш мақсадида адлия органлари ва муассасалари ходимлари ўртасида "Ўзбекистон Республикаси Конституцияси бўйича энг яхши реферат" кўрик-танлови ташкил этилган эди.

Ғолиблар тақдирландилар

ҚОРАҚАЛПОҒИСТОН Республикаси Адлия вазирлиги, вилоятлар ва Тошкент шаҳар адлия бошқармалари ходимлари ўртасида: Асака тумани ҳусусий амалиёт билан шуғулланувчи нотариуси Дилфузахон Абдусаломова 1-ўринга, Тошкент шаҳар 1-сонли никоҳ уйи мудири Сумрад Ақромходжаева 2-ўринга, Тошкент вилояти Куйичирчиқ туманида ҳусусий амалиёт билан шуғулланувчи нотариус Шохида Муҳаммежанова 3-ўринга;

Суд департаменти ходимлари ўртасида: Фарғона вилояти ҳудудий бошқармаси Қўқон шаҳар суд ижро бўлини маси суд ижроси Камолхон Қосимов 1-ўринга, Бухоро вилояти ҳудудий бошқармаси 2-тоифали иш юритувчиси Фахриддин Бафоев 2-ўринга, Сурхондарё вилояти ҳудудий бошқармасининг Жарқўрган тумани суд ижрочилари бўлини маси катта суд ижроси Шохиста Маманосирова 3-ўринга, вазирлик тизимига кирувчи муассасалар ходимлари ўртасида: Тошкент Давлат юридик институти катта ўқитувчиси Ихтиёр Беков 1-ўринга,



Юристар малакасини ошириш маркази доценти Холмурод Назаров 2-ўринга, Тошкент Давлат юридик институти доценти Саломат Ниёзова 3-ўринга; вазирликнинг марказий аппарати ходимлари ўртасида: Маъмурий ва ижтимоий қонунчилик бошқармасининг катта маслаҳатчиси Мустафо Ходжаев 1-ўринга, Қонун ҳужжатларини туркумлаш ва ҳуқуқий ахборот бошқармаси бошлиғи ўринбосари Марат Ишбеков 2-ўринга, Шарномавий-ҳуқуқий ишларни назорат қилиш бошқармаси бош маслаҳатчиси Ботир

Намозов 3-ўринга сазовор бўлишди.

Шунингдек, кўрик-танловда фаол иштироки учун Тошкент шаҳар Оила маросимлари маркази бошлиғи Уктамхон Қодирова, Андижон вилояти адлия бошқармасининг етакчи маслаҳатчиси Камолитдин Жалолиддинов, Тошкент вилояти адлия бошқармасининг Куйичирчиқ тумани ФХДБ бўлими мудири Амона Холикова Адлия вазирлигининг фахрий ёрликлари билан тақдирландилар.

Муҳаммад ТОШОВ, Адлия вазирлиги катта маслаҳатчиси



